



UKA 2018/81 - UKA 2018/49 - UKA 2018/140

17/10-2018

Justus Hansen

Immikkoortortamut arlaannaannulluunniit naammattumik attuumassuteqanngitsumut whistleblowerit pillugit misissuineq nooqullugu Naalakkersuisut peqquneqarnissaanik Inatsisartut aalajangiiffigisassaattut siunnersuut.

(Inatsisartunut ilaasortaq Tillie Martinussen, Suleqatigiissitsisut)

(Siullermeernera)

Peqquserluuteqartarnerup akiorniarnerni suliniutit qanoq nukittorsarneqarsinnaanerat pillugu UKA 2019-mi nassuiaammik innersuussutitalimmik agguasseqqullugit Naalakkersuisut peqquneqarnissaanik Inatsisartut aalajangiiffigisassaattut siunnersuut. Nassuiaammi aamma allaasereqquneqarput iluaqutissat ajoqutillu aamma aningaasatigut kingunissat inatsisitigullu tunngavissat, arlaannaannulluunniit attuumassuteqanngitsumik Peqquserlutsaaliuisussanik pilersitsisoqassasuuppat taamatullu aamma peqquserlutsaaliuisussat pillugit inatsisiliortoqassasuuppat, peqquserluuteqartarnerup akiornerni suliniutinik katersiviusussamik.

(Inatsisartunut ilaasortaq Steen Lyngge, Demokraatit)

(Siullermeernera)

Namminersorlutik Oqartussat ingerlatseqatigiiffiini whistleblowerit pillugit aaqqissuussinermik eqqusseqqullugit Naalakkersuisut peqquneqarnissaanik Inatsisartut aalajangiiffigisassaattut siunnersuut.

(Inatsisartunut ilaasortaq Steen Lyngge, Demokraatit)

(Siullermeernera)

Peqquserlunneq nunatsini ajornartorsiuterujussoorpasinngilaq, tamannalu ajunngeqaaq.

Taamaakkaluartorli ajornartorsiutip pinaveersaartinnissaa pingaaruteqarpoq, tamatumunngalu uku siunnersuutit pingasut assersuutissaapput.

Siunnersuutini marlunni pineqarpoq whistlebloweriqarnermut aaqqissuussineq Demokraatini nuannaarilluangerput. Imm. 140 Demokraatit sinnerlugit Inatsisartuni ilaasortamit Steen Lyngemil siunnersuutigineqartoq paasiuminarluinnaqqissaarpoq. Piumasaraa aaqqissuussinerip aamma namminersorlutik oqartussat ingerlatseqatigiiffiutaanni atuutissasoq. Tassunga oqarusuppugut, AAP, soorunami taamaassaaq. Tamannalu atortussanngortinneqarsinnaavoq sukkasuumik.

Immikkoortoq 81-mi Suleqatigiissitsisuneersumi siunnersuutigineqarpoq arlaannaannulluunniit atanngitsumik whistlebloweriqarnermut aaqqissuussinermut immikkoortortaliortoqarnissaa, tamannalu tunngaviusumik isumaqatigaarput kisianni soorlu allani aamma taamaattoq pingaaruteqarpoq aallaqqaammut misissuilluortoqarnissaa. Taannarpiaavorli Demokraatit sinnerlugit Inatsisartunut ilaasortap



Steen Lyngep imm. 49 aqcutigalugu siunnersuutigisaa. Nassuiaasioqqusivoq peqquserlutsaaliuisarnermik misissuisussamik ilanngullugu peqquserlutsaaliuisussanik arlaannaannulluunniit attuumassuteqanngitsunik pilersitsisoqarsinnaanera. Peqquserlutsaaliuinermit immikkoortorta qarfiup aamma suliarisarsinnaavai whistleblowerinit saaffiginnissutigineqartut. Tamatuma saniatigut peqquserlutsaaliuinermit immikkoortortami suliat tamarmik katersorneqartarnissaannik siunnersuuteqartup isumassarsiaa iluarilluinnarparput.

Allatut oqaatigalugu qulequtaq pillugu nassuiaasiortoqarnissaa aallartiffigissallugu eqqortuuvoq tamannalu tunngavigalugu Suleqatigiissitsisut arlaannaannulluunniit attuumassuteqanngitsumik immikkoortortamik pilersitsisoqarnissaanut siunnersuutaat ilalersinnaangilarput. Suliat iluamik suliareriartigit pipallagata.

Taamatut oqaaseqarluta imm. 49-p imm. 140-rullu akuerineqarnissaat inassutigaarput ingerlateqqillugillu Inatsisinut Ataatsimiititaliamut suliareqqitassanngorlugit.

Immikkoortoq 81-p itigartinneqarnissaa inassutigaarput.